

Na osnovu člana 10. stav (2) Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14), na prijedlog federalnog ministra unutrašnjih poslova, Vlada Federacije Bosne i Hercegovine na 11. sjednici, održanoj 18.06.2015. godine, donosi

UREDBU
O OBLIKU, SADRŽAJU I NAČINU KORIŠTENJA
ZAŠTITNOG ZNAKA FEDERALNOG MINISTARSTVA
UNUTRAŠNJIH POSLOVA - FEDERALNOG
MINISTARSTVA UNUTARNJIH POSLOVA
POGLAVLJE I. - OSNOVNE ODREDBE

Član 1.

(Predmet Uredbe)

Ovom uredbom uređuje se oblik, sadržaj i način korištenja zaštitnog znaka Federalnog ministarstva unutrašnjih poslova - Federalnog ministarstva unutarnjih poslova (u daljem tekstu: zaštitni znak).

Član 2.

(Zaštitni znak Federalnog ministarstva)

Zaštitni znak iz člana 1. ove uredbe koristi se u Federalnom ministarstvu i Federalnoj upravi policije na način utvrđen ovom uredbom i predstavlja Federalno ministarstvo i Federalnu upravu policije te se ističe kao simbol Federalnog ministarstva i Federalne uprave policije (u daljem tekstu: Uprava policije).

POGLAVLJE II. - OBLIK I SADRŽAJ ZAŠTITNOG ZNAKA

Član 3.

(Oblik zaštitnog znaka)

Zaštitni znak je desetogaonog oblika, mesinganožute boje.

Član 4.

(Sadržaj zaštitnog znaka)

Sadržaj zaštitnog znaka predstavljaju simetrično raspoređene grede u obliku stiliziranog sunca, uvučene u polukrug na stranici znaka koji sadrži pet simetrički raspoređenih greda, čija se širina smanjuje prema središtu znaka.

Član 5.

(Grafički prikaz oblika i sadržaja zaštitnog znaka)

Grafički prikaz oblika i sadržaja zaštitnog znaka dat je na Obrascu broj: 1, koji se nalazi u prilogu ove uredbe i njen je sastavni dio.

POGLAVLJE III. - NAČIN KORIŠTENJA ZAŠTITNOG ZNAKA

Član 6.

(Način korištenja zaštitnog znaka)

Zaštitni znak koristi se:

- a) na ulazima u zgradama koje koristi Federalno ministarstvo i Uprava policije (sjedište, Policijska akademija, terenski uredi itd.);
- b) u prostorijama, u kancelarijama Federalnog ministarstva i Uprave policije;
- c) kod uručivanja pohvala, nagrada itd.;
- d) i u drugim slučajevima kojima je utvrđeno zakonom i podzakonskim propisima da se koristi zaštitni znak.

Član 7.

(Obaveze Federalnog ministarstva i Uprave policije)

Federalno ministarstvo i Uprava policije dužni su osigurati da se zaštitni znak koristi u skladu s ovom uredbom.

Član 8.


(Stupanje na snagu)

Ova uredba stupa na snagu narednog dana od dana objavljivanja u "Službenim novinama Federacije BiH".

V. broj 724/2015
18. juna 2015. godine
Sarajevo

Premijer
Fadil Novalić, s. r.

Prilog broj 1
Član 5. stav (2)



846

Na temelju članka 19. stavak (1) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), članka 264. stavak (5) Zakona o gospodarskim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09, 63/10 i 75/13) i članka 11. alineja 5. Zakona o gospodarskim komorama u Federaciji Bosne i Hercegovine ("Službene novine Federacije BiH", br. 35/98 i 34/03), Vlada Federacije Bosne i Hercegovine, na 11. sjednici, održanoj 18.06.2015. godine, donosi

UREDBU

O IZMJENI I DOPUNI UREDBE O USAVRŠAVANJU
PREDSJEDNIKA I ČLANOVA NADZORNIH ODBORA I
UPRAVA GOSPODARSKIH DRUŠTAVA SA
SUDJELOVANJEM DRŽAVNOG KAPITALA

Članak 1.

U Uredbi o usavršavanju predsjednika i članova nadzornih odbora i uprava gospodarskih društava sa sudjelovanjem državnog kapitala ("Službene novine Federacije BiH", br. 71/09, 33/10, 23/11, 83/11, 2/13 i 80/13), u članku 9. stavak (1) mijenja se i glasi:

"Predsjednici i članovi nadzornih odbora i uprava gospodarskih društava sa sudjelovanjem državnog kapitala, čiji je mandat u tijeku i osoba koje su kandidati za izbor i imenovanje za predsjednike i članove nadzornih odbora i uprava gospodarskih društava sa sudjelovanjem državnog kapitala, u postupcima koji nisu okončani do dana stupanja na snagu ove uredbe, dužna su završiti usavršavanje do 30.06.2016. godine."

U stavku (2) broj "31.03.2014.", zamjenjuje se brojem "30.06.2016.", a broj "15.04.2014." zamjenjuje se brojem "15.07.2016."

Članak 2.

Ova uredba stupa na snagu narednog dana od dana objave u "Službenim novinama Federacije BiH".

V. broj 725/2015
18. lipnja 2015. godine
Sarajevo

Premijer
Fadil Novalić, v. r.

Na osnovu člana 19. stav (1) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), člana 264. stav (5) Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05,